

沈雲龍教授主編

近代中國史料叢刊

第四十四輯

文海出版社
印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所獲罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊

第四十四輯

目錄

Wt204/15
70221

曾忠襄公（國荃）奏議

同治五年二月至六年十月
光緒元年六月至三年十月

蕭榮爵編

曾忠襄公（國荃）奏議

光緒三年十月至五年二月

蕭榮爵編

曾忠襄公（國荃）奏議

光緒五年二月至十二月

蕭榮爵編

曾忠襄公（國荃）奏議

光緒五年十二月至十年四月

蕭榮爵編

曾忠襄公（國荃）奏議

光緒十年四月至十二年十二月

蕭榮爵編

曾忠襄公（國荃）奏議

光緒十三年正月至十六年九月

蕭榮爵編

退菴自訂年譜

梁章鉅著

退菴隨筆

梁章鉅著

南省公餘錄

梁章鉅著

張齋菴（壽）實業文鈔

曹文麟編

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



<p>問</p>	<p>福</p>
<p>奉</p>	<p>時</p>
<p>議</p>	<p>禮</p>

光緒廿九年癸

卯仲春月開雕

曾忠襄公奏議三十二卷

長沙蕭榮爵編輯

衡山李蔚然

湘鄉彭熙文

湘鄉葛楚珍

善化羅玉藻

長沙劉啟蕃

湘陰李長俊參校

零陵 蔣子楷繕
許寅軒刊

曾忠襄公奏議

卷之一目錄

擢鄂撫謝 恩疏 同治五年二月二十二日

報起程赴鄂日期疏 三月初五日

湖北營務情形疏 三月二十二日

覆陳現辦情形疏 附片 四月十五日

新軍到鄂並裁各營疏 五月十二日

整頓軍需局片 五月十四日

提臣大病已有轉機片 五月十五日

調員來鄂片 全日

目錄

自是到之者言一
霆軍由鄂赴豫籌
密陳臬司狡詐疏
會商布置西北防
分別請豁請緩疏
覆陳近日軍情疏
挈獲盜犯審明懲
馳抵德安會商調
調員差遣片
請陣亡知縣被劫
湖北本年新漕疏

劾督臣疏

八月二十六日由驛五百里程發

曾忠襄公奏議卷一

擢鄂撫謝 恩疏

同治五年二月二十二日

奏爲恭謝

天恩仰祈

聖鑒事竊

臣

上年九月十五日恭奉八月十一日

恩旨賞假六箇月在籍安心調理一俟病體稍愈卽行迅速北上等因欽此今春假期將滿舊病漸次就痊正在繕摺籲請

陛見藉申依戀之忱適於二月十三日准湖南撫

臣

李瀚章咨

准兵部火票遞到同治五年正月二十六日內閣奉

上諭湖北巡撫著曾國荃調補欽此又承准軍機大臣字寄同

日奉

上諭曾國荃現在假期將滿舊病諒已就痊刻下捻匪竄擾湖北邊境防剿喫緊曾國荃素嫻軍旅朝廷爲地擇人正資倚任由湘赴鄂相去甚近著該撫迅速馳赴新任力圖報稱不得稍存推諉之念有負屬望舊部中有得力將弁兵勇並著酌量帶往湖北以資差遣等因欽此臣當卽恭設香案望闕叩頭謝

恩訖伏念臣一介書生受

恩深重旣邀榮於世爵復忝任乎封圻宿疾未蠲沐九重之體恤涓埃莫報實五內之慚惶迺復渥荷

鴻慈調補今職聞

命之下感悚難名查湖北毗連皖豫疊被寇氛既籌兵籌餉之
維艱復議勦議防之難緩臣惟有遵

旨酌帶舊部得力將弁勇丁馳赴新任與督臣官文同心協力
共濟時艱以期仰答

高厚生成於萬一俟湖北軍務就緒卽當疏請

陛見瞻覲

天顏祇請

聖謨俾免隕越所有微臣感激下忱謹繕摺叩謝

天恩伏乞

皇太后

皇上聖鑒訓示再臣此次拜摺係借用湖南巡撫關防合併陳

明謹

奏

軍機大臣奉

旨知道了欽此

報起程赴鄂日期疏

同治五年三月初五日

奏爲恭報

微臣

起程赴鄂日期仰祈

聖鑒事竊

臣

蒙

恩調任湖北巡撫奉

旨飭令酌帶將弁兵勇迅速起程當經具摺叩謝

天恩一面趕緊調理病軀卽日赴長沙省城與撫

臣李瀚章會

商查竄鄂捻匪聞已退往豫境現在湖北軍務較鬆惟逆蹤出

沒無常旣應實力嚴防兼須相機越

臣

舊部得力將弁多在

湖南本籍已揀派記名提督江南福山鎮總兵熊登武記名提
督李定元伍維壽陳壽武陳致祥記名總兵彭光友王佩瓊補

用副將李臣榮等員募勇丁六千人卽責成該鎮將等募練管帶臣部署稍定擇於三月初七日自長沙由水路起程除地方及軍務一切情形俟到鄂後再行據實詳晰

奏報外所有起程赴鄂日期及酌帶將弁招募兵勇緣由理合恭摺具

奏伏乞

皇太后

皇上聖鑒訓示再臣此次拜摺係借用湖南巡撫關防合併陳明謹

奏

軍機大臣奉

旨知道了俟抵鄂任事後將地方軍務應辦事宜會同官文安籌辦理毋負委任欽此

湖北營務情形疏

同治五年三月二十二日

奏爲查明湖北營務大概情形應行添調良將整齊兵勇以收實效緣由恭摺馳

奏仰祈

聖鑒事竊

臣恭奉

恩命調補湖北巡撫於三月十七日到任當經專弁齎摺叩謝天恩臣前在長沙揀派記名提督江南福山鎮總兵熊登武記名提督李定元伍維壽陳壽武陳致祥記名總兵彭光友王佩瓊補用副將李臣榮等分途前往湘寶一帶召募老勇六千人業經馳報在案嗣以臣須先行赴鄂新軍隨後遠行千餘里恐

其軍規不肅沿途滋擾又所領餉項需員隨時支放是以札調
布政使銜記名道彭椿年布政使銜江蘇候補道羅龍森道銜
安徽候補知府龍清垣總理行營營務兼司支應事務刻下當
已成軍四月悉可抵鄂臣十七日接印督臣官文與臣會商謂
宜以鄂省之兵力餉源通盤計畫乃可贍給新軍次日督臣卽
飭署藩司唐際盛署臬司丁守存鹽道盛康署漢黃德道王文
韶會籌定妥裁撤零雜之勇十三營騰出餉源支放新添之營
以期得力臣查湖北近年軍事雖有捻寇踵至然督臣率同該
司道實屬盡心辦理竭力經營無如各將領有守禦之名無整
軍之實安靜之時多費餉項寇至之日每難抵當以故冗兵日

增而月餉日絀懸欠益鉅而捻防未息督臣率該司道斯夕計慮及之謂皆由於各枝統領不得其人故耳查湖北與豫皖毗連西自鄖陽東至黃州袤斜幾二千里豫東之捻匪一日不平則鄂北之防範一日難弛臣泣任方始若悉仍舊有之軍而用之則餉益欠而無所底止兵益疲而難期振作萬一豫省捻患急切未能蕩平難保不再窺鄂境臣昔在軍中歷居前敵深念兵事所以取勝之道全恃夫統領審勢相機大凡得力之軍每由於先擇良將數員分之則各統一軍合之則聯爲一體不特布置之疎密得法卽臨警之緩急可恃蓋彼此迭經戰陣曾共腹心有不待大帥之符檄卽能自固營壘且可分兵遠爲鄰軍

救援自來賊蹤之出沒無定形恆視官軍之或堅或瑕以爲形
而勝軍之禦賊無定勢每視賊匪之或去或來以布勢若大帥
運籌帷幄之內而無良將決勝千里之外將與將不相謀兵與
兵不相習每俟發蹤指示之檄以定進止分合之宜其機勢已
大不相侔矣惟前敵各路多用良將當不虞此刻下督臣部署
鄂軍正在講求斯義謀之於臣查臣舊部得力之將有記名布
政使劉連捷記名布政使前福建汀漳龍道彭毓橘記名提督
開缺河南歸德鎮總兵朱南桂皆係撤勇同籍養病之員將次
就痊又福建提督郭松林撤勇之後乞假回籍養病亦尙在湘
該四員者屢立戰功聲威素著昔年同在臣軍曾共苦戰謀勇

兼長性情相洽郭松林隨臣征剿六年同治初元隨現署兩江督臣李鴻章征剿江蘇又將四年該提督精力尤爲壯實正是立功中原之時查閩省四境肅清並無緊要軍務該提督亦甚願効力行間合無仰懇

天恩勅下湖南撫臣李瀚章檄催劉連捷彭毓橘朱南桂郭松林四員卽日赴鄂聽候督臣與臣調遣整飭鄂省營務化散爲整變弱爲強半年之後兵力可精餉項可節蓋兵貴精不貴多如能分數果明紀律果嚴不特可以保固鄂圍卽或豫捻未滅俟鄂餉稍充則郭松林朱南桂等尙可率軍出境雕剿歸兩江督臣曾國藩調遣剿辦豫省捻匪必可期有成效臣病體漸次

將愈惟識淺才疎渥邀

知遇既領封圻重任尤宜殫竭血誠凡屬鄂中一切應辦事宜當與督臣和衷商酌秉公籌辦以冀稍酬

高厚於萬一所有履任後查明湖北營務大概情形及應行添調良將來鄂整齊兵勇以收實效各緣由謹會同督臣官文恭摺具

奏伏乞

皇太后

皇上聖鑒訓示謹

奏

軍機大臣奉

旨另有旨欽此

覆陳現辦情形疏

奏爲欽奉

諭旨覆陳現辦情形並新軍到鄂卽日進紮應山布置要隘恭摺馳

奏仰祈

聖鑒事竊臣於三月二十八日恭奉

諭旨俟抵鄂任事後將地方軍務應辦事宜會同官文安籌辦理毋負委任欽此旋於四月初十日承准軍機大臣字寄同治五年四月初三日奉

上諭曾國荃請調之記名布政使劉連捷前福建汀漳龍道彭

毓橋前河南歸德鎮總兵朱南桂福建陸路提督郭松林現俱
在湖南原籍卽著李瀚章飭令該四員卽日前赴湖北聽候官
文曾國荃調遣不准稍有耽延等因欽此仰見我

皇上聖慮周詳因材器使之至意伏念臣抵鄂任事以來訪察
情形地方諸事類皆循舊辦理無所庸其更張但於用人理財
二者虛心聽言實事求是積至誠於方寸之內寓精意於具文
之中當可期有起色臣謹就鄂省之官僚而論自司道以至州
縣才具優長克供厥職者頗不乏人卽候補班次亦多可用之
員但能整躬率屬委任責成吏治卽可蒸蒸日上臣愚以爲當
邊境騷繹之後民困未蘇之時爲之司牧者不宜徒徂目前第

當培養元氣是以接見屬僚殷勤勸導凡印委各官所治之地
所辦之事遇有興利除弊之機有益民生者果其詢謀僉同卽
當曲意主持萬不敢知之而不爲爲之而不力以畏難苟安爲
戒守大法小廉之箴如是則官方可期益肅此用人之要務
所當仰承

聖訓會同督臣妥爲辦理者也臣又謹就鄂省之財課而論查
錢糧釐金關稅三大宗每歲所入不下數百萬除解充京餉協
濟鄰軍等項外留支本省各項與夫製造軍需贍給軍食者通
盤籌畫應不至支絀萬分然而上年以缺餉而屢譁糧臺以肆
應而屢空拮据之狀常切隱憂上思以爲論籌餉於鄂省不宜

重開言利之端論用餉於今日不得不求節財之計如京餉協餉義應竭力以圖詎忍妄言減少第於防軍冗濫之支放裁汰釐剔量入爲出則涓滴皆歸實用財源自無涸竭之虞臣俟整頓新軍辦有頭緒便當率同司道飭令局員力求撙節酌劑盈虛省一分之餉項即可紓一分之民力祛曩故蹈常之弊以戒奢崇儉爲本如此則度支或可稍充此理財之大端所當恭體聖慈會同督臣妥爲籌辦者也凡此皆地方應辦事宜微臣所擬大略規模與督臣循序整理斷不敢稍存推諉上負我聖朝委任之恩至於軍務應辦事宜臣前疏已略陳梗概在湘所募新軍九營均於四月初十日以前到鄂正在趕緊訓練卽

擬進紮應山縣之廣水驛扼守險隘其續招步隊十一營馬隊一千六百名應俟前次奏調之劉連捷彭毓橘朱南桂郭松林等員在於湖南召募統帶前來計五月內可以到鄂當令分駐麻城之岐亭隨州之唐縣鎮防禦要衝藉成三路犄角之形以杜羣捻窺伺之患所撤十三營督臣業已行文卽日妥爲遣散不至滋生事端以期仰慰

宸慮所有

微臣 欽奉

諭旨覆陳現辦情形及新軍到鄂進紮應山要隘各緣由謹會同大學士湖廣督臣官文恭摺馳

奏伏乞